

# Prava sinova i kćeri

[ Bosanski – Bosnian – بوسني ]

Dr. Ahmed b. Osman el-Mezjed

Prijevod:

Senad Muhić

Revizija:

Ersan Grahovac

2013 - 1434

IslamHouse.com

# ﴿ حقوق الأبناء ﴾

« باللغة البوسنية »

د. أحمد بن عثمان المزيد

ترجمة:

سناد موهيتش

مراجعة:

أرسان غراهوفاتس

2013 - 1434

IslamHouse.com

## Prava sinova i kćeri

Poslanik sallallahu alejhi ve sellem, je podsticao na lijepo odgojanje djece, tako da postanu dobra omladina i korisni ljudi za svoju vjeru, domovinu i društvo.

Allahov Poslanik, sallallahu alejhi ve sellem, je rekao: **„Nije od nas onaj koji nije samilostan prema mladima i ko ne cijeni starije.“**<sup>1</sup>

Također je kazao: **„Naređujte svojoj djeci da klanjaju od sedme godine, a istucite<sup>2</sup> ih u desetoj ako ne budu klanjali namaz i razdvajajte ih u postelji.“**<sup>3</sup>

Prenosi se da je Poslanik, sallallahu alejhi ve sellem, kazao: **„Najbolje što otac može ostaviti svojoj djeci jeste lijep odgoj.“**<sup>4</sup>

Poslanik, sallallahu alejhi ve sellem, je podučavao djecu kako da jedu i piju, pa je jedne prilike jednom dječaku kazao: **„O dječaće, spomeni Allahovo ime, jedi desnom rukom i jedi ispred sebe.“**<sup>5</sup>

Poslanik, sallallahu alejhi ve sellem, je odgoj ženske djece posebno istaknuo. Aiša, radijallahu anha, veli: **„Jedne prilike je kod mene ušla žena i sa njom**

---

<sup>1</sup> Tirmizi, br. 1843., i Ahmed, br. 6445.

<sup>2</sup> Tj. istucite ih, ali ne jako, kao npr. olovkom ili misvakom.

<sup>3</sup> Ebu Davud, br. 418., i Ahmed, br. 6467.

<sup>4</sup> Tirmizi, br. 1875., i Ahmed, br. 16118.

<sup>5</sup> Buhari, br. 4957., i Muslim, br. 4763.

**dvije kćeri, tražeći nešto, a ja nisam imala ništa drugo osim jedne hurme, pa sam je dala ženi, a ona ju je raspolovila i dala kćerkama, a sebi nije uzela, te je zatim ustala i otišla. Nakon toga je ušao Poslanik, sallallahu alejhi ve sellem, pa sam ga o tome obavjestila, a on je kazao: 'Ko bude iskušan sa ženskom djecom, pa im čini dobro, ona će mu biti zaštita od vatre.'**<sup>6</sup>

A u predaji od Tirmizije stoji: „**Ko bude iskušan ženskom djecom, pa se strpi, ona će mu biti zastor od Vatre.**“<sup>7</sup>

Alejhiselam je, također, kazao: „**Ko odgoji dvije djevojčice sve dok ne postanu punoljetne, na Sudnjem danu će biti sa mnom.**“<sup>8</sup> (pa je Poslanik, sallallahu alejhi ve sellem, sastavio svoje prste)

Rekao je i ovo: „**Ko bude imao tri kćerke ili tri sestre ili dvije kćerke ili dvije sestre pa ih odgoji i dobro im čini, a zatim ih ih uda, nagrada mu je Džennet.**“<sup>9</sup>

---

<sup>6</sup> Buhari, br. 1329., i Muslim, br. 4763.

<sup>7</sup> Tirmizi, br. 1836., i Ebu Davud, br. 4481.

<sup>8</sup> Muslim, br. 4765.

<sup>9</sup> Tirmizi, br. 1839.

Poslanik, sallallahu alejhi ve sellem, je, kada bi mu ulazila kćerka Fatima, ustajao i ljubio je, a zatim bi je stavio da sjedi na njegovo mjesto.<sup>10</sup>

Od prava koje je Poslanik, sallallahu alejhi ve sellem, dao djeci jeste i to da imaju udio u imetku svoga oca.

Navodi se da je Sad b. Ebi Vekas htio da udijeli dvije trećine svoga imetka na Allahovom putu, pa mu je Poslanik, sallallahu alejhi ve sellem, rekao da to ne čini. Sa'd ga je upitao može li jednu trećinu, a Poslanik, sallallahu alejhi ve sellem, mu je odgovorio: „**Trećina može, a i to je puno. Bolje ti je da svoje nasljednike ostaviš bogate nego siromašne, pa da traže od ljudi.**“<sup>11</sup>

---

<sup>10</sup> Tirmizi, br. 3807.

<sup>11</sup> Buhari, br. 1213., i Muslim, br. 3076.